

# Sagarrondotik 2003, sagardo festa hastera doa

**T**xotx denboraldia aurrera doa. Negua gorria izan bada ere, sagardotegiek ez dute erakarpen-ahalmena galdu eta asko izan dira gure sagardotegietara hurbildu diren lagunak. Oraindik bada txotx denboraldiaz gozatzeko denbora. Eta baita Sagarrondotik ekimenaz ere. Martxoaren 21ean Hernanin hasiko den hiru eguneko festak Astigarraga, Hernani eta Usurbilgo udalen babesu jaso du. Eta ardatz nagusia, noski, sagardoaren lurraldea izango da.

Sagarrondotik ekimena sagardoaren kultura bultzatzeko eta bermatzeko sortu da. Asmoa, gainera, ez da ekitaldi puntual batera mugatzen. Antza, urtero errepikatu nahi den festa da Sagarrondotik. Behintzat, sagardoaren munduaren ispi-lu eta erreferentzia izateko jaio omen da ekimen hau. Bertatik, sagardoaren lurraldetik, Euskal Herri osora hain gustukoa dugun edari honen inguruko kultura helerazi nahi da. Erronka ez da makala. Hiru egunetako jaialdia izango baita martxoaren 21ean hasiko dena. Hau guztia Hernanin egingo da, nahiz

eta Astigarraga eta Usurbilgo Udalen laguntza ere jaso duen Sagarrondotik ekimenak. Era honetan, sagardoaren lurraldea osatzen duten udalerrien elkartzea bultzatu da.

Hau da Usurbil, Astigarraga eta Hernaniko udalak ekimen erraldoi bakar batean bat egitea, ekimen berari babesu emanaz. Kasu honetan, Urnieta falta da “urrezko laukotea” osatzeko.

Sagarrondotik elkarteko kideek aditzera eman digutenez, “helburua herri hauetan sagardoaren gupilari bueltak eta bueltak eman dizkioten eragile ezberdinentzako topagunea sortzea da. Hernaniko Sagardoaren Kofradia Tolarea, Astigarragako sagardogile ezberdinak, Usurbil eta Urnietaoak... Baina era berean Euskal Herri osoko sagardogile ezberdinengana heldu nahi dugu. Eta ez dadila ekimen honetatik kanpo inor geratu”.

## SAGARDO DASTAKETA ERRALDOIA

Pasa den hilabetean Hernanin egin prentsaurrekoan esan zitzaigunez,



ASTIGARRAGA, HERNANI ETA USURBILGO UDALEN BABESU DU SAGARRONDOTIK FESTAK.

“Euskal Herri osoko sagardogileen dastaketa antolatu dugu. Sagardogile orori ipiniko zaien karpa erraldoian, “stand” propioa edukitzeko aukera emango zaio Gipuzkoa, Bizkaia, Nafarroa, Araba, Laburdi, Baxenafarroa eta Zuberoako sagardogile orori”. Atzerriko delegazioei ere gonbidapena luzatu zaie, hala nola sagardoaren lurralde ezberdinetako ordezkariak, Txekia, Hungaria, Irlanda, Wales, Asturias eta Galizakoak.

Egitaraua, ikusiko duzuen moduan, ez da nolana hikoia. Musika, gastronomia, kirolak eta haurrentzako saioak dira Sagarrondotik ekimenaren oinarritzko osagaiak. Besterik gabe, has dadila festa!

### OSTIRALA 21

21:30 Hasiera ekitaldia frontoian. Ondoren akelarrearen ikuskizuna eta dantza erakustaldia Patxi Perez eta Iparraldeko dantzarien eskutik.

22:30 Kontzertua Txantxillako karpa erraldoian: Raimundo Amador, Desmond Dekker, Fundacion Tony Manero, La Polla, Gatibu. Sarrera mugatuak. Aldez aurretik 12euro, bertan 15 euro.

### LARUNBATA 22

11:00 Karpan Sagardo Mostra Erraldoia. Euskal Herri osoko sagardogileen produktua dastatzeko aukera. Taloak, txorixoa, gazta, odolkia, makailu eta piper pintxoak... Sarrera edalontzia erostearen truk.

Atzerriko delegazioei harrera: Txekia, Hungaria, Asturias, Galiza, Normandia, Wales...

17:00 pilota partidua. Oiaga-Arretxe / Esnal-Errandonea. Titin III-F. Goñi / Goñi II-Barriola. Sarrera 25 euro.

21:00 kontzertua. Txantxillako karpa erraldoian: Potato, Kiko Veneno, Kuraia, Mallacan, Gari. Sarrera mugatuak. Aldez aurretik 12euro, bertan 15 euro.



### IGANDEA 23

Herrian zehar, 10:00etatik aurrera Sagardo Feria eta Euskal Produktuen Azoka.

Karpa Erraldoian, 14:00etatik aurrera Bazkaria eta Euskal Herriko I. Sagardo Dastaketa. Bertsolariak, enkantea, Alboka taldearen saioa, Diskofesta. Sarrera 25 euro.

Herriko frontoian, 11:00etatik aurrera, Anjel Alkainen aurkezpenarekin. Herri Kirolak, Umeen Festa Takolo, Pirritx eta Porrotx eta Txan Magoa.

